

Script of Morning Gojri News Bulletin 11 November 2024 at 1015Hrs

مارننگ گو جری نیوز بلیٹن مورخہ 11 نومبر 2024

یوہ آکا شوانی جموں ہے عبدالرحمن شاہین تیں خبر سنو۔

Age Limit

حکومت غی طرفوں مشترکہ مقابلہ جا تی امتحان یعنی سی سی ای 2024 بارے اوپر غی عمر بدھائی گئی ہے۔ محکمہ عام انتظامیہ غا کمشنر سیکریٹری سنجیو ورما غی طرفوں جا ری اک نوٹیفکیشن غے مطابق عام زمرہ غا امید واراں واسطے اوپر غی عمر 32 بہراں تیں بدھا غے 35 سال کر دتی گئی ہے۔ اسے طرح درجہ فہرست و مخصوص زمرہ غا امید واراں واسطے عمر غی یاہ حد 34 بہراں تیں بدھا غے ہُن 37 سال کر دتی گئی ہے تے معزور امید واراں واسطے زیا دہ توں زیا دہ عمر غی بد پہلاں غی 35 بہراں تیں بدھا غے 38 سال قائم کی گئی ہے۔ اسے دوران جموں کشمیر پبلک سروس کمیشن غی طرفوں سی سی ای 2024 جہیڑو کہ 17 نومبر 2024 نانہ منعقد ہونو تھو وہ ملتوی کر دتو گیو ہے۔ کمیشن غی طرفوں جا ری نوٹس غے مطابق اس سلسلہ مانہ نوی تا ریخ غو اعلان بعد مانہ کیو جا ئے گو۔

Soldier Kishtwar

جموں کشمیر مانہ کشتواڑ ضلع غا دور دراز اک جنگلا تی علاقہ مانہ کل حفاظتی دستاں تے دہشت گرداں بشکار پیش آیا اک تصادم غے دوران فوج غی 2 پیرا ایس ایف غا نائب صوبے دار راکیش کمار نے ملک واسطے لڑتاں واں شہادت دے دتی ہے۔ جد کہ اس دوران 3 سپاہی شدید طور زخمی وی ہوا ہیں۔ اس علاقہ مانہ دہشت گرداں غی موجو دگی بارے ملی اک خفیہ اطلاع غی بنیاد ور کشتواڑ غا بھرت ریج علاقہ مانہ حفاظتی دستاں غی طرفوں اک سانجو آپریشن شروع کیو گیو۔ اس علاقہ مانہ 3 تیں 4 دہشت گرداں نانہ کہیرہ مانہ لینو منیو جا رہیو ہے تے اُت وسیع تلاشی آپریشن چل رہیو ہے۔ واضع رہے جے کشتواڑ ضلع مانہ حال ہی مانہ 2 گرائیں دفاعی گارڈ یعنی وی ڈی جی وی ماریا گیا ہیں۔

Mobile Ban

سب ڈویژن رام نگر غا سب ڈویژنل مجسٹریٹ یعنی ایس ڈی ایم راجندر سنگھ رانا نے اک سرکلر جا ری کر غے رام نگر سب ڈویژن مانہ سکول گا احاطہ مانہ موبائل فون غا استعمال ور پابندی لائی ہے۔ ایس ڈی ایم غی طرفوں اس علاقہ مانہ گجھ اسکولاں غا معائنہ توں بعد یوہ سرکلر جا ری کیو گیو ہے کیونجے سکول وقت غے دوران کلاس رُومز مانہ گجھ طالب علماں نانہ موبائل فونز غو استعمال کرتاں واں پکڑیو گیو۔ اس تیں پہلاں اس سب ڈویژن غا مقامی لوکاں نے وی شکایت درج کروائی تھی جے سکول غا اُستاد تے طالب علم سکولاں مانہ موبائل فوناں غو استعمال کریں جہیڑی کہ بے ضابطگی ہے تے اس سنگ سکول غی کارکر دگی ور وی اثر پوے۔ سرکلر مانہ مزید کہیو گیو ہے جے کسے ایمرجنسی غی صورت مانہ سکول غا سربراہ غو فون استعمال کیو جا سکے۔ زونل تعلیمی افسراں، پرنسپلز، ہیڈ ماسٹراں تے نجی و سرکاری دوہاں تعلیمی اداراں غا دوجا انچارج نانہ کہیو گیو ہے جے وے اس سرکلر نانہ مکمل طور عملا ویں۔

Dengue

جموں کشمیر مانہ ڈینگو غا معاملات غی تعداد بدھتی جا رہی ہے اور ڈینگو گا 78 نواں معاملات غی رپورٹ تیں بعد پوری یوٹی مانہ ڈینگو معاملات غی تعداد 5 ہزار 7 سو 47 ہو گئی ہے۔ جموں ضلع مانہ کل 30 نواں معاملہ سامنے آیا ہیں۔ جس تیں بعد ات ڈینگو آلا معاملات غی تعداد 3 ہزار 5 سو 3 ہو گئی ہے۔ صحت عہدیداران غے مطابق 90 فیصد یہ معاملات میونسپل علاق تیں آرہیا ہیں۔ تے اس طرح شہری علاق مانہ یاہ بیماری پھیل رہی ہے۔ سال 2024 غے دوران کل 30 ہزار 4 سو 19 مریض غا ٹیسٹ توں بعد 5 ہزار 7 سو 47 ٹیسٹ ڈینگو مثبت پایا گیا ہیں۔ ایسا معاملات مانہ بابہ غے با وجود صحت عہدیداران غی طرفوں دسیو گئے جے اس بیماری سنگ اجوں تک صرف اک موت ہوئی ہے۔ جس غو مطلب ہے کہ نازک مریض گؤ موثر انتظامات سنگ علاج کیو جائے۔ حال ہی مانہ یوٹی غے اندر 4 سو 89 ڈینگو غا مریض نانہ ہسپتال مانہ داخل کرنو پیو۔ جن وچوں 4 سو مریض غی شفا یا بی تیں بعد انہاں نانہ چھٹی کر دتی گئی ہے۔ جد کہ 77 مریض اجوں زیر علاج ہیں۔

BMO Darhal

ڈپٹی کمشنر راجوری ابھشیک شرما نے سب ڈویژن ہسپتال درہال غو اچانک دورو کرن توں بعد بلاک میڈیکل افسر یعنی بی ایم او درہال نانہ معطل کر دتو ہے۔ سردیاں واسطے تیاریاں غا جائزہ معائنہ غے دوران دیکھو گئے جے اک ڈاکٹر تے اک ٹیکنیشن غے علا وہ ہسپتال غو پورو عملو غیر حاضر پایو گئے۔ اس بارے فوری کارروائی کرتاں واں ڈپٹی کمشنر موصوف نے بی ایم او درہال نانہ معطل کر دتو ہے تے سی ایم او راجو ری نانہ اس غو اضافی چارج سونپیو گئے۔ اس سلسلہ مانہ تحقیقات کرن بارے اڈیشنل ضلع ترقیا تی کمشنر ڈاکٹر راج کمار تھاپہ نانہ تحقیقاتی افسر مقرر کیو گئے۔ اور انہاں نانہ کہو گئے جے کو تابی بارے 3 دنان مانہ اپنی رپورٹ سونپیں۔

Hospital Poonch

ڈپٹی کمشنر پونچھ وکاس گنڈل نے اچانک راجہ سکھدیو سنگھ ضلع ہسپتال غو دورو کر غے ات مریض نانہ دستیاب صحت سہولیات غو جائزہ لیو۔ اپنا دورہ غے دوران ڈپٹی کمشنر موصوف نے بکھ بکھ سیکشن غو معائنو کیو۔ مریض سنگ بات چیت کی تے ڈاکٹر ور دوجا عملہ نانہ ضروری ہدایت دتیں۔

Chai Pe Charcha

راجو ری گا نیلی ڈبی سیال سوئی علاقہ مانہ فوج غی طرفوں چائے پہ چرچہ تبادلہ خیالی اجلاس گجر بکروال طبقہ سنگ منعقد کیو گئے۔ اس پہل غو مقصد اس علاقہ مانہ مقامی آبادی غا مسائل نانہ سننو ہے۔ اس بات چیتی پروگرام مانہ دور دراز گراں لان غا 40 افراد نے شرکت کی ہے۔

Outreach

لڙڪاڻا غا گو رنمنٽ سينٽر سڪينڊري اسڪول نو شهره راجو ري مانبه فوج غي طرفون عوام
سنگ اک با ت چيتي ورسائي پروگرام منعقد ڪروايو گيو۔ جس دوران نقش نگار تصوير ڪشي
غے ذريعه اسڪولي طالب علماں نے نانہ بُنر غي حوصلہ افزائي وي ڪي گئي۔

اس غے نال هي خبراں غو يوه بليٽن ختم هوؤ۔